

مزارعو نجع حمادي: "مصرف المياه مسدود وبيوتنا هتتخرب"



الأربعاء 25 مارس 2015 12:03 م

يعيش مزارعو نجع حمادي بقنا أزمة شديدة في الري بسبب انسداد المصرف المائي، وبسبب تكديس القمامة والأكياس البلاستيك به لعدة شهور دون تنظيف.



فمع انسداد المصرف لا تصل مياه الري إلى القنوات الفرعية والفحول في وسط الأراضي، مما يؤدي إلى عطش المحصول فيهدد جفافه، وينذر بضياح محصول القصب، والذي يعتبر المحصول الرئيسي الذي يعتمد عليه النسبة الأكبر من الفلاحين في محافظة قنا، باعتبارها المحافظة الأكبر انتاجا للقصب في مصر حسب إحصائيات وزارة الزراعة.

وفي هذا الشأن يقول "عاطف البهجوري- مزارع بقرية بهجورة: "المياه مش بتوصل نهائي والمصرف مليان زباله وجرار المجلس هو السبب، بيلم الزباله ويبيجي يكومها عند المصرف، واحنا اللي بنشيل الشيلة في الآخر، وأصلا احنا بندفع مصاريف كل سنة للزراعة مقابل التنظيف وبس بيلموا الفلوس وما فيش حاجة بتعمل والزرع هايموت".

وأضاف "صبيحي عياد- مزارع": "طيب دلوقتي احنا بعد ما رمينا الغلة علشان يطلع القصب مش لاقين فيه نسقي الزرع، والحل الوحيد اللي بنعمله دلوقتي علشان الزرع ما يموتش إننا بنصب مكتنين ري واحدة أول المصرف والثانية في آخره، وده بيكلفنا 400 جنيه في السقوة الواحدة يعني لو كملنا علي هذا الحال لآخر السنة كده المحصول مش هايجيب حت تكلفة الري وهايقع علينا بخسارة".

وتابع "محمود عباس: "احنا اشتكيننا في كل حنة وكلنا رحنا للجمعية الزراعية تشوف حل ورحنا للمجلس وقلنا الحقونا يا ولاد الحلال وبعتنا لمديرية الزراعة، وما حدش معبرنا، وآخرتها بنشوف زرعنا بيموت قدام عينا وبيتنا هايتخرب".

ويتهم مزارعو بهجورة مجلس المدينة ومديرية الزراعة بأنهم وراء ما يحدث نتيجة للإهمال في التنظيف وعدم الاستجابة لأبسط حقوق الفلاحين، فيما ناشدوا المسؤولين سرعة الاستجابة لهم ونجدتهم من كارثة ضياح محاصيلهم وهي التي يعتمدون عليها بشكل رئيسي كمصدر رزق لهم ولأسرهم.

